

12 SEP 2001

WISMA PUTRA BUKA BILIK OPERASI 24 JAM

SEPANG, 12 Sept (Bernama) -- Kementerian Luar telah membuka bilik operasi 24 jam bagi mengikuti perkembangan kejadian serangan di lokasi tertentu di New York dan Washington, kata Ketua Setiausahanya Datuk Ahmad Fuzi Abdul Razak.

Katanya, Wisma Putra telah mengarahkan pejabatnya di New York, Washington dan Kanada untuk mengenal pasti sama ada rakyat Malaysia terbabit dengan kejadian tersebut.

"Maklumat yang diterima akan diberitahu dari semasa ke semasa," kata beliau kepada pemberita di Lapangan Terbang Antarabangsa KL (KLIA) di sini semalam.

Beliau berada di KLIA untuk mengucapkan selamat jalan kepada Perdana Menteri Datuk Seri Dr Mahathir Mohamad yang sepatutnya berlepas ke London untuk lawatan singkat ke Britain.

Dr Mahathir membatalkan lawatannya berikutan kejadian serangan tersebut.

-- BERNAMA

RZS ES ZB